

QVÆSTIO MEDICA

MATVTINIS AGITANDA DISPUTATIONIBVS IN PVBLICIS MEDICORVM SCHOLIS CELEBERRIMÆ CADOMENSIS ACADEMIÆ,

PRO SECVNDA APOLLINARI LAVREA.

33.

SAPIENTISSIMO M. N. IOANNE LYOVLD DE MONLIEN PROFESSORE ORDINARIO, MODERATORE.

An suffocationi ab utero aqua borbonia?

VTERVS pars est organica & dissimilis naturæ, venis pluribus, arterijs, nervis que intertextæ: vas est cui affectio totum corpus facillimè compatitur, estque fundus ex quo innumerae calamitates sexcentique affectus tanquam ex equo troiano in mulierum perniciem erumpunt. Inter hos vnus existit terroris plenus, *πῦρ ὀργῆς* à symptomate graviore & frequentiore dictus: sapius enim strangulationem efficit, & aliquando impeditis respirandi instrumentis ægotantem perimit. Hoc symptoma mulieribus proprium, suscitatur non cruda veneris repleto, non pulmonum à sanguine seroso aut etiam flatulento intumescencia, non vteri sursum ascendens indignabunda commotio: sed solus vapor terræque & venenata mephitis sursum elata, quæ pro vario malignitatis gradu, variâque partium quas inscitaturâ, modò suffocationem, modò alia & horrenda symptomatum genera producit. Sedes & minera humorum, feminis nempe, menstrui, aut alterius cuiuslibet succi pravas illas & malignas *αιαδιμαχίας* expirantium varia esse potest; modo enim effumant ex vasibus vteri, aliàs ex ejus tubâ, non nunquam è testiculis, sæpe etiam ex ipso vtero è quo ut vita, sic summa non rarò veneni perniciem exoritur.

HYSTERICI insultus sæpè sunt subitanei, quandòque verò prænuntijs quibusdam casibus significantur: sæpè ructus & oscitationes præcedunt, cibi fastidia, aspectus tristes; faciei pallor, spontaneæ lassitudines, vagique & fugaces capitis, frontis maximè, temporum, artuumque dolores: neque deest globi cuiusdam ad hypochondria quasi ascendens motus; interdum miræ quadam ex imis visceribus obortæ voces obaudiuntur, quæ modò ranarum coaxatus, nunc latratus canum, aliàs serpentum sibilus, crocatus corvorum, Gallorumque cucurritus referunt; sicque dæmoniæ quiddam vulgus subesse putat, easque pro *τρογασπορίδους* habet, & pythonem in ventre habentibus, quæ tamen vterino affectu & hysterico læsuntur. Dum præsens adest paroxysmus, gravissima etiam se se deregunt symptomata, non semper tamen eadem. Cordis palpitaciones increpescunt, animi defectiones accedunt, *ἀπνοία* & *ἀσφυξία*, brachiorum & crurum motus convulsivi, distortionis lumborum capitique tam stupendæ, ut sæpè inexpertis suspicionem numinis præbere videantur: totum denique corpus tanto frigore aliquando congelatur, ut per dies aliquot non rarò inter mortuos numerentur. Hujus affectus furorem irritant suaveolentia naribus apposita, præsertim verò moschus & zibetum, vehemens passionum commotio, tristitia, amoris, & iræ: violentior & subitus hypocausis calorique æstivi fervor, & tandem frigiditas externa, quæ termini exterioris meatus immoderatius occludens, vapores morbosos supprimit, latentisque intus veneni perniciem exsuscitat.

CAVE autem ne te decipiat versipellis affectus, hic enim protheus quidam & *πολυμορφος* varijs se se tegit speciebus, sæpèque sub aliorum affectuum formis apparens medicum deludit: similia itaque & dissimilia perspicere, oleum alioquin in ejus curatione & operam perditurus. Virgines viro maturas & in venerem proclives torquet hocce dæmonij genus, & eas præsertim quæ concepti semel amoris igniculos diutius celant, steriles, viduas marito præcipuè salaci, vetulas, nuptas sed maritis imbellibus & parum mulierosis, prægnantes & puerperas. Iuvenes desinit cum parere incipiunt, seniores nullatenus si diu laboraverint: magnum intentat periculum; & puerperis vitæ periculum; statis nonnunquam affligit periodis, certo circuitu nunc annis, modo mensibus, septimanâ qualibet, quandoque vero singulis diebus rediens: sæpè etiam vagum est & oberrans, proit ab externis aut agitari aut commoveri potest, crebriusque aut rarius invadens, modo longiore modo breviori paroxysmo furit in miscellâ & immaniter debacchatur. Ut autem semen, menstruum, alijsque succi naturâ differunt, ita etiam labe & vitio: unde ex femine si corrumpatur, gravissima symptomata superveniunt; ex sanguine vero alijsque humoribus leviora & minus terrificâ.

STRANGVLATVM ab vtero curantem duo tempora spectare decet, vnum motus & paroxysmi, alterum vero quietis sive intervalli. Præsente insulsa recta teneatur ægotans ut facilius spiret, ventris & pectoris laquei coactum solvantur, convellantur pili, crura cum dolore vinciantur, eadem pannis calidioribus & asperis confricentur: multum proderunt cucurbitulæ modo simplices modo cruentæ non vmbilico, sed imo ventri, inguinibus, aut etiam femoribus internis appositæ: juvant graveolentia naribus adhibita, ut suaveolentia pudendis. Vide tamen ne quidquam temerè peragas, cum etenim momenta curationis, ex corporum varietate petantur: in gravidis aliam sequere medendi rationem, aliam in vacuis, aliam in virginibus, aliam denique in maritatis. Cave igitur in gravidis ab odore fædo, in virginibus à priapicosis, pessuli tamen magna potestas, sed in nuptis, in quibus magna ejus vitilitas, si præsertim (procul hinc este aures impulicæ) lacertosus fortisque maritus eundem ostiolo obdiderit. Neque omittantur diaclysmi etiam acriora, aquæ theriacales in vsum ducantur simplicibus vapores ac status discutientibus medicatæ. Si verò viscerum quadam phlogosis humorumque acrimonia aliud tibi agendum esse insinaverit, magnæ erit utilitatis vi-trioli aciditas quæ vapores figat, vasorum fibras constringat, viscerumque substantiæ robur & tonum conservet; hæc irrita si fuerint, ad venæ sectionem confuge, non in brachijs, sed in pedibus institutam, sic etenim sanguinem suppressum vacuabis, ascendentem revelles, motuque pulmonibus & cordi liberi reddito, ægotantem à laqueo liberabis.

VBI foemina paroxysmum effugerit, noli esse in tuto aut nimium quam par sit considerare: affectus enim intæ pacis & seriarum quasi pertæsus, brevi fortè-recrudescet. Statim ergo causis ejusdem expellendis summa diligentia oportet incumbere. Si venus intermissa corruptique feminis illuvies symptomatum hysterico-rum causa fuerit, nubat ægra si nihil prohibuerit: vna enim venus, licita nempe, tantorum tumultuum vindex & vtrix existit. Si vero vitæ condicio à fundi vxorij cultu interdicat, feminis generationem prohibe inedia & frequenti phlebotomia: sin minus ijs vtere quæ vel calore & siccitate, vel totius substantiæ proprietate genitum semen extinguant. Cæterum si menses subsistant, indeque prima mali labe exoritur, nalleolorum poplurumque sectiones apertâ venâ factæ maximè juvabunt, crurum tamen & tibiæ fori præmissio: sic enim fulus sanguis & attenuatus, amne magis libero alveoque patenti foras effundetur: hæc tamen in gravidis fugienda abortus metu; interim cacochymiam tolle purgantibus proprijs, sæpeque repetitis: vtere quoque semicupijs, specificis nullatenus parcens quibus prava malignaque tum vtero, tum vitæ principijs, atque etiam humoribus impressa qualitas oppugnari possit & expugnari. Quod si rebellis affectus & contumax præscriptis remedijs non cesserit, quidni confugiemus ad aquas borbonias, cum sit mirabilis in aquis dominus, neque majora vllibi quàm in aquis cernantur naturæ miracula: illæ siquidem liberali & pleno calice exhaustæ obstructas viscerum vterique venas potenter aperient, vrinas ducent, alvum laxabunt, omneque planè vteri mesenterique colluviem ac spurcitiem eluent; quidni etiam spiritui nitri quo multum imprægnatæ atque turgentes æstuant, terros vteri spiritus latente quadam & occultâ diaphoresi, aut manifestâ evacuatione sudoribus promotis discutiant. An vero vim habeant specificam, eamque hysterice dispositioni contrariam, videtur qui harum aquarum vsum foeminas laborantes perfectè curari quotidianis experientijs agnouerunt.

Ergo suffocationi ab utero aqua borbonia.Proponebat Cadomi in Scholis Medicorum ANTONIVS DE VILLENEVE Streptagnacensis, Die 8^a Nouembris, anni. R. S. H. M. DC. LXIV. ab octauâ ad meridiem.

CADOMI, Apud MARTINVM YTON, Typographum Regium.